

AWIG - AWIG
DESA ADAT DHARMA JA WERDHI
BIAUNG



KECAMATAN PENEHEL
KABUPATEN DAERAH TINGKAT II
T A B A N A N
1 9 9 1

KASINAHANNYA GAMBAR :

Swastika = Pralambang Tetujon Adat Dharma Ja
Werdhi Biaung; Moksartham Jagadhita.

Ubi (Blaung) = Pralambang Desa Adat Dharma Ja Werdhi
Biaung nincapang wewangunan.

Padi Kapas = Pralambang Bhoga , Upabhoga.

C a n d i = Pralambang Banda desa adat.

Segi lima = Pralambang pamikukuh Pancasila.

BANTANG AWIG-AWIG DESA ADAT DHARMA JA WERDHI

B I A U N G

MURDHA CITTA		Widang
SARGA	I. ARAN LAN WEWIDANGAN DESA ADAT	1
SARGA	II. PETITIS LAN PAMIKUKUH	1
BARUA	III. BUKERTA TATA PAKRAMAN	
	Palet 1. Indik Krama	2
	Palet 2. Indik Prajuru desa.....	5
	Palet 3. Indik Kulkul	6
	Palet 4. Indik Paruman	7
	Palet 5. Indik Druwen desa.....	9
	Palet 6. Indik Pamitegep	10
	Kaping 1. Karang, Tegal lan Carik.....	10
	Kaping 2. Pepayoman.....	11
	Kaping 3. Wewangunan... ..	12
	Kaping 4. Wewalungan... ..	12
	Kaping 5. Bhaya	13
	Kaping 6. Penyanggra Banjar	13
SARGA	IV. SUKERTA TATA AGAMA.	
	Palet 1. Indik Dewa Yadnya	14
	Palet 2. Indik Rsi Yadnya	17
	Palet 3. Indik Pitra Yadnya.....	18
	Palet 4. Indik Manusa Yadnya	21
	Palet 5. Indik Bhuta Yadnya.....	22

SARGA	V. SUKERTA TATA PAWONGAN.	
	Palet 1. Indik Pawiwahan	23
	Palet 2. Indik Sentana	24
	Palet 3. Indik Warisan	24
SARGA	VI. WICARA LAN PAMIDANDA.	
	Palet 1. Indik Wicara	25
	Palet 2. Indik Pamidanda	26
SARGA	VII. NGUWAH - NGUWUHN AWIG-AWIG	27
SARGA	VIII. P A M U P U T	27
	LWIR SANG NGALINGGA TANGANIN.	

MURDHA CITTA

OM AWIGHNAMASTU NAMA SIDHAM.

Malarapan saking panghyangning kalih paswecan Ida Sang Hyang Parama Kawi sampun asung kerta nugraha, ngawentenang kahuripan kalih genah Desa pakraman rawuhing sakala warga pawongannya.

Maka don kawastaning bhuana kalih, tityang kra ma Desa Adat Dharma ja Werdhi Biaung ngastuti ngrajegang Tata Susila, Tata Krama sane mawit saking sinar kasucian agama Hindu, mapamuger Pancasila lan UUD 1945 sane dados panyejer Negara Republik Indone-sia maka witing wit uger-uger adat istiadatsajeroning Negara RI rawuhing Desa Pakraman, nganutin Tri Hita Karana, mapagamel antuk daging unteng Tri Rna, Tri Sa maya, Catur Dresta manut Desa Kala Patra, madasar antuk pasikian manah, mapidabdab nemesang tulung tinu-lung pasilih asih, gumanti sidha mamangguhang Sukerta trepti rahayu sajeroning desa pakraman rawuhing pawong annya sowang-sowang.

Wit saking sredhaning manah mangda pastika ma-derbe sepat siku-siku pamatut, wastu sidhaning don jeroning midabdabin desa adat tityang Krama Desa adat Dharma ja Werdhi Biaung sinareng sami, nyikiang ma-nah ngraremin kalih nyungkemin Awig-Awig desa adat puniki sane munggah ring Sarga, Palet miwah Pawos sa-kadi inucap ring sor puniki.

S A R G A I
ARAN LAN WEWIDANGAN DESA

Pawos 1

1. Desa Adat puniki mawasta Desa Adat " DHARMA JA WERDHI"
Biaung.
2. Jebar kakuwub wewidangannya mawates nyatur :
 - a. Sisi wetan : Tukad payuyuan/Desa Adat Cacab
Jangkahan.
 - b. Sisi Kulon : Tukad Yeh sipuh/Desa Adat Sunanta-
ya.
 - c. Sisi Lor : Subak Kebon /Desa Adat Pacung.
 - d. Sisi Kidul : Subak Dlod Biaung/Desa Adat Tajen.
3. Kakuwub desa adat puniki manut dresta lwire :
 - a. Pupulan karang paumahan manggeh palemahan desa
pakraman.
 - b. Kahyangan, Setra, carik miwah tegalan ring kakuwub
wewidangan desa pakraman manggeh talajakan desa
adat.
4. Desa adat puniki kasungkemin antuk krama turmaning ke
pah dados tigang bebanjaran, lwire :
 - a. Banjar Adat Widya Dharma Biaung Kaja.
 - b. Banjar Adat Tri Dharma Santi Biaung Tengah.
 - c. Banjar Adat Merta Nadi Biaung Kelod.

S A R G A II
PETITIS LAN PAMIKUKUH

Pawos 2

Desa Adat puniki ngemanggehan pamikukuh makadi :

- a. Pancasila.
- b. Undang-Undang Dasar 1945 pamekas pasal 18.
- c. Tri Hita Karana manut sada cara agama Hindu.

Pawos 3

Lwir petitis desa adat puniki :

- a. Mikukuhin miwah ngerajegan Sang Hyang Agama.
- b. Nginggilang tata prawertine.
- c. Ngerajegang kasukertan desa saha pawongannya sekala lawan niskala.

S A R G A III.

SUKERTA TATA PAKRAMAN

Palet 1

Indik Krama

Pawos 4

1. Sane kabawos krama desa adat inggih punika kulawarga jenek mapaumahan ring wawidangan Desa Adat Biaung sane maagama Hindu tur nyungsung Kahyangan Tiga.
2. Sejaba punika sinanggeh tamiu.

Pawos 5

Krama desa adat puniki wenten kalih pawos, lwire :

a. Krama ngarep :

- 1). Kula warga sane nyeledihin ayahan rena.
- 2). Kula warga sane sangkaning pawiwahan.

b. Krama Balu :

- 1). Balu Remban.
- 2). Balu Ngelentik.

Pawos 6

Kawit dados Krama desa adat :

- a. Sangkaning nyeledihi utawi nyade.
- b. Sangkaning Pawiwahan.
- c. Sangkaning katedunan olin krama desa adat nganutin pararem.

Pawos 7

Panemayan ngetang tedun makrama desa adat :

- a. Nyabran rahina Umanis Galungan (Wrespati Umanis uku Dungulan), arep ring krama sane sangkaning panyeledihi.
- b. Nyantosin asasih mawit saking pawiwahan.
- c. Pramangkin marep ring ayahan balu.

Pawos 8

Sehanan krama desa adat puniki sami keni tategenan (a - yah-ayahan), lwire :

- a. Krama Ngarep keni ayahan Nyumek mapiteges ayahan miwah urunan sawungkul.
- b. Krama Balu :
 - 1). Balu Remban keni urunan sawungkul, ayah - ayahan atenga manut balunya, sakewanten yaning alit- alitne sampun daa-truna (mayusa 17 warsa) keni ayahan sawungkul.

- 2). Balu Ngelentik keni urunan sawungkul, ayah-ayahan atenga manut balunya sedereng mayusa 60 warsa.
- c. Rikala desa adat jagi ngwangun, krama inucap patut keni urunan lan medana punia manut pararem.
- d. Ritatkala ngayah yan wenten sinalih tunggil krama matilar sedereng puput karya, wenang krama inucap ke ni pamidanda manut pararem.

Pawos 9

Krama desa adat kadadosang :

- a. Mapowangkid utawi tan tedun :
- 1). Rikala mapewangun, ngeraabin, mayadnya, nandur (memulih), matetepin, kaluasan lan sane siosan.
 - 2). Kengin tempo wantah apisan, sejawaning wenten ka bebaskan antuk prajuru.
 - 3). Sehantukan kapialang utawi kajudi antuk Sang angawa Rat (Guru wisesa).
- b. Nyada : mapiteges ngepademang ayahan risampun mayusa 60 warsa.
- c. Nyade utawi nyuksukin risampun manggeh yusa 17 warsa utawi sampun mresidayang nganutin krama.
- d. Sinalih tunggil krama jumenek ngererereh pangupajiwa ring dura desa kaluputang antuk ayah-ayahan, sakewan ten kagentosin antuk dana punia.

Pawos 10

Wusan dados krama desa, lwire :

- a. Sangkaning pinunas ngeraga.

b. Sangkaning kanorayang duaning tan prasida ngehehin solah maprawerti, setata nguwug kecaping awig-awig.

c. Kawuwusan olih krama desa.

Sang wusan makrama desa patut :

a. Ngewaliang utang-piutang utawi sesalitan ring desa adat.

b. Tah polih pah-pahan sangkaning padruwen desa.

c. Kengin malih makrama yan sampun satinut ring desa kasulurang manut pararem.

Palet 2

Indik Prajuru Desa

Pawos 11

1. Desa adat piniki kaenter olih Bendesa Adat.

2. Banjar Adat kaenter olih Kelihan adat/Kelihan Banjar.

3. Bendesa adat lan Kelihan Banjar patut :

a. Mawit saking krama adat.

b. Keadegang melarapan antuk pamilihan olih paruman desa sowang-sowang nyabran limang (5) warsa, sawaning wenten pariindikan tiis tur kapilih malih.

c. Maduluran hatur piuning ring Pura Desa.

Pawos 12

1. Bendesa adat kasanggra antuk :

a. Petajuh utawi pangliman pinaka wakilnya.

b. Penyarikan pinaka juru surat.

c. Petengen pinaka pengamong padruwen desa.

d. Kasinoman pinaka juru arah, akehnya manut kawigunanan saha magilir nyabran sasih.

e. Kelihan Banjar pinaka tangan sukuning Bendesa Adat sowang-sowang Bebanjaran.

Pawos 13

1. Swadharmaning Bendesa Adat, lwire :

a. Ngenterang pamargin sedaging awig-awig miwah pararem desa adat.

b. Nuntun tur ngenterang krama rawuhing warga desa adat ngupadi sukertan krama desa.

c. Mawosin kalih niwakang pamatut arep ring wicara warga desa adat.

d. Maka duta matemuang bawos ring sapa sira ugi.

Pawos 14

Petias utawi olih-olihan Prajuru kasulurang manut Pararem.

Pawos 15

1. Prajuru kagentosin riantuk :

a. Seda

b. kanorayang duaning nilar sasana.

c. wit saking pinunas ngeraga.

2. Nganorayang utawi ngentosin Prajuru patut sajeroning paruman tur kaingkupin antuk krama desa adat.

Palet 3

INDIK KULKUL

Pawos 16

1. Kulkul ring desa adat, lwire :
 - a. Kulkul desa adat.
 - b. Kulkul banjar adat.
 - c. Kulkul sekaa-sekaa.
2. Tabuh tetepakan kulkul desa adat :
 - a. Atuludan lambat tetengeran tedun ngayah.
 - b. Atuludan bulus tetengeran ka Panca bhaya.
3. Tetengeran kulkul ring sowang-sowang bebanjaran kasuluran manut pararem.

Pawos 17

1. Kulkul desa utawi kulkul banjar tan wenang katepak yaning tan sangkaning pituduh Prajuru adat sejawaning tetengeran ka Panca Bhaya.
2. Sang nepak tan sangkaning pituduh Prajuru patut digelis atur upeksa maka buatan panepake, yan tan asapunika wenang sang mamurug kadanda manut pararem.
3. Kulkul sekaa-sekaa semaliha kulkul pondokan-pondokan tan kalugra nyawerin (matehin) sukat utawi tengeran kulkul desa, prade mamurug taler kadanda manut pararem.

Palet 4

INDIK HARUMAN

Pawos 18

1. Paruman / sangkepan ring desa adat wenten :
 - a. Paruman desa sane kawentenang :

1. Nyabran ngesasih maka cihna tanpa arah-arah duaning sampun tetep panemaya manut pararem bebanjaraan sowang-sowang.
2. Napkala (padgata kala) maka jalaran arah-arah manut tatujon.
 - b. Paruman Prajuru desa kawentenang manut kabwatan.
 - c. Paruman sekaa-sekaa manut kabwatan.
2. Paruman desa adat utawi banjar adat madudonan sakadi ring sor :
 - a. Prasida lumaksana risampun katedunan antuk sang patut ngemiletin miwah tan maren ngarcana ring Ida Bhagawan Penyarikan maka sarana Widhi Widhana cane.
 - b. Pamutus bebawos beriuk sapanggul (ingkup) punika kamanggehang.
3. Prade pidaging paruman tan kaingkupin mangda prajuru ngilikang bebawos saha putusannya mangda kararemin antuk krama desa adat, bilih tan prasida kasungkemin jantos ping tiga, prajuru wenang ngambil suara makehan sinanggeh pamutus utawi nunas bawos ring Sang ngawa rat.

Pawos 19

1. Sajeroning paruman desa adat, Bendesa Adat patut nyiarang pamargin ngenterang desa pamekas acara ngeninin indik :
 - a. Munjuk lungsuring pakraman saha ayah-ayahan, sulur artha brana druwen desa.
 - b. Rencana prajuru nganinin usaha desa kapungkur.

2. Pemutus paruman desa sinanggeh maka pamitegep pelaksanaan awig-awig.

Pawos 20

1. Sangkepan prajuru desa kawenangan wantah ngerincikan pengerencana usaha desa adat kapungkur.
2. Sangkepan prajuru desa tan kawenang ngewedalang ta teganang ring krama sadereng kaingkupin antuk krama desa adat.
3. Pemutus sangkepan prajuru desa ngewetuang pasuara, maka pidaging pituduh sang ngawawenang utawi ngone kang pecak pararem krama desa adat.

Palet 5

INDIK DRUWEN DESA

Pawos 21

Padruwen Desa Adat Dharma ja Werdhi Biaung sekadi ring sor :

1. Kahyangan desa :
 - a. Kahyangan Tiga : Pura Desa, Pura Puseh, Pura Dalem.
 - b. Pura Pesimpangan Batukaru, Pura Mrajapati, Pura Pengambang, Pura Pelinggih Bhagawan Penyarikan ring sowang-sowang bebanjaran.
 - c. Setra / tunon.
 - d. Lelanguan mekadi Gong padruwen Desa Adat Biaung.

Pawos 23

Olih-olihan Desa Adat Puniki :

- a. Olih-olihan saking urunan krama Desa Adat.

- b. Paica saking Guru Wisesa.
- c. Paica-paica sane tiosan sane patut.

Pawos 23

1. Prajuru desa wenang ngetangang sepenunggalan druwen desa adat manut pararem.
2. Pikolih lan pamuponnya kaangen prabiya piodalan saha wewangunan ring pura manut pararem.
3. Nyabran pasangkepan, dulu pangemong druwe ngawen tanang parindik munjuk lungsurung padruwe ring krama desa.
4. Sakaluwiring druwen Desa Adat patut wenten ilik kitannya.
5. Tan kalugra ngadol utawi ngesahang padruwen desa adat yan tan kasungkemin antuk krama desa.

Palet 6

SUKERTA PAMITEGEP

Kaping 1

KARANG, TEGAL LAN CARIK

Pawos 24

1. Krama desa pengamong karang patut ngewatesin karang nya sowang-sowang.
2. Wates karang inucap mangda ngelingin teben-luan olih sang adruwe karang.
3. Sinalih tunggil ngawatesin karangnya, mangda hatur upeksa ring prajuru.
4. Salwir karang kabebeng mangda wenten pamarginnya.

Pawos 25

1. Sinalih tunggil krama desa adat tan kalugra :
 - a. Ngalah-alah margi, tegal, karang lan carik.

- b. Ngalah-ngalah tanah tegak Kahyangan, Setra lan sekancan tegal sinanggeh suci.
 - c. Makta utawi ngenahang barang sinanggeh ngeletehin sajabag Pakraman.
 - d. Ngembahang toyo wit badan wewalungan, pasiraman , kakus, pawarihan kepakarangan pisaga miwah kamargi ne.
 - e. Ngentungan wangke wewalungan kepakarangan pisaga.
2. Sang mamurung sokadi i: nuca ring hajeng Hendi danda manut pararem.

Kaping 2

P E P A Y O N A N

Pawos 26

1. Ngawit nandur papayonan tanem tuwuh patut adepa agung (2,5 m) ngajeroang saking wates, prade jantor ngawit wates wenang kasepat gantungin.
2. Yaning wenten tetanduran ngungkulin, semaliha mewastu mayanin kapisaga, sang kabayanin hatur upeksa ring prajuru tur prajuru wenang maweh tatepasan manut uger uger agama lan dresta.
3. Sang keni pamidanda penyangaskara saha manut pararem , arep ring wewangunan sang karubuhan, lwire :
 - a. Sang nruwenang sinanggeh mayanin, prade pungkut ngerubuhin wewangunan krama tios.
 - b. Sang notor, munggul utawi ngerebah taru tur ngerubuhin krama tios.
4. Krama desa adat patut ngemanggehang kawerdiang tanem tuwuh sane ngawinan desane asri tur lestari.

Kaping 3

W E W A N G U N A N

Pawos 27

1. Nyabran ngewangun patut :
 - a. Masadok ring prajuru desa prade wewangunan nganinin bates.
 - b. Ngangge asta bhumi miwah asta kosala-kosali, sanistane manut ring patitis niskala.
 - c. Tan nyayubin kapisaga.
2. Prade wewangunan jantos nyayubin bilih-bilih temboke ring telengin wates, risampun kewara tur kasadokang ring prajuru wenang kadanda manut pararem saha tembok inucap kagubar utawi sanistane mangda kekaryanang abangan.

Kaping 4

W E W A L U N G A N

Pawos 28

1. Sehanan warga desa adat sane mamiara wewalungan patut seyaga nitenin negul/ngelogor mangda tan ngarusakin karang utawi paabianan krama sewos, bilih-bilih jantos ngeranjing ngeletehin Kahyangan.
2. Prade wenten wewalungan malubar utawi ngeleb ngerusakin pakarangan miwah paabian krama sios, risampun kewara kengin kataban tur kedanda ngawaliang wit sane karusak saha nawur panebas pepiaraan tetabanen katitenin olih prajuru.
3. Prade jantos ngeletehin tegak suci utawi Kahyangan, risampun kaparitetes antuk prajuru wenang sang nruwenan kedanda manut agama kasungkemin olih pararem krama.

Kaping 5

B H A Y A

Pawos 29

1. Sang manggihin kahanan bhaya patut nepat kulkul bu lus manut kahanan bhayane.
2. Prade ring desa adat wenten kahanan bhaya patut nge pahayu desa manut agama kasungkemin antuk pararem krama.
3. Sang mayanin desa keni danda (dewa danda lan artha danda) manut sastra agama, kasungkemin antuk para rem krama.

Pawos 30

Sang kacihna malaksana corah utawi ngukubin corah, saru ron ring corah, patut kadanda manut pararem.

Kaping 6

PENYANGGRA BANJAR

Pawos 31

1. Desa Adat Dharma ja Werdhi Biaung nyangra karya su ka-duka krama jantos puput.
2. Panglaksanaan panyanggrane inucap manut pararem.
3. Sang pacang nglaksanayang yadnya (suka - duka), yan mabuat patut hatur upeksa ring prajuru.

S A R G A IV

SUKERTA TATA AGAMA

Palet 1

INDIK DEWA YADNYA

Pawos 32

1. Palinggih panyiwian sewidangan Desa Adat Dharma ja Werdhi Biaung :
 - a. Kahyangan Tiga : Pura Desa, Pura Puseh, Pura Dalem.
 - b. Pura Mrajapati.
 - c. Pura Pasimpangan Batukaru.
 - d. Pura Pangambeng.
 - e. Pura Pelinggih Bagawan Penyarikan sowang-sowang Banjar Adat.
2. Rahina piodalan ring sowang-sowang Kahyangan inu cap, kadi ring sor :
 - a. Kahyangan Tiga :
 1. Pura Desa rikala Wraspati Umanis Uku Dungulan.
 2. Pura Puseh rikala Wraspati Umanis uku Dungulan.
 3. Pura Dalem rikala Buda Umanis uku Prangbakat.
 - b. Pura Mrajapati rikala Buda Umanis uku Prangbakat.
 - c. Pura Pasimpangan Batukaru rikala Buda Keliwon Gumbreg.
 - d. Pura Pangambeng :
 1. Pura Pangambeng tanggu kaler desa rikala Pur nama Kapat.

2. Pura Pangambeng ring tengah desa rikala Soma Wage uku Dukut.
 3. Pura Pangambeng tanggu kelod desa rikala Purnama Kalima.
 - e. Pura Pelinggih Bhagawan Penyarikan sowang-sowang Banjar Adat rikala Saniscara Kaliwon uku Wariga.
 3. Pangad ring pura inucap manur kacak santra agama saha kalaksanayang nista, madya, utama nganut kawentenang lan pararem.
 4. Pura Desa, Pura Puseh, Pura Dalem, Pura Mrajapati, Pura Pasimpangan Batukaru, Pura Pengambeng kaempon olih krama desa Adat.
- Pawos 33 mangku.
1. Ring sowang-sowang pura inucap kawentengan Pemangku.
 2. Ngadegang Pemangku nganut dudonan, lwire :
 - a. Nyanjan utawi masemurang.
 - b. Turunan utawi ngwaris.
 - c. Kacatri
 3. Tan kawenang angge Pemangku, lwire :
 - a. Cedangga : Peceng, Perot, cungh lan sepanunggilnya.
 - b. Sang sapisira ugi sane tan kapatutang anut pararem
 - c. Sakit ila, ayan, buduh wiadin edan.
 - d. Sane madrebe kasucian urip tan becik.

4, Prabeya ngadegang Pamangku, lwire :

a. Adiksa Widhi (ngawintenang), kamedalin saha kalaksanayang olih sang ngadegang, makadi krama desa adat utawi pangempon pura sowang-sowang.

b. Ring sedane kawekas, desane negen prabyan atiwa-tiwa manut pararem.

5. Pemangku patut ngemanggehang sesananing Pamangku.

Pawos 34

Swadharma Pamangku, lwire :

a. Ngenterang upacara piodalan ring Kahyangan utawi ring sowang-sowang pakubon krama.

b. Prade salah sijunggil Mangku kapialang, kengin nyelang mangku tiosan utawi nuwur sang Sulinggih katite-nin prajuru.

c. Mangku tan keneng cuntaka, yan mangku kapademan kasulurang manut pararem.

Pawos 35

Patias utawi olih-olihan Pamangku, lwire :

a. Panyolasan miwah sarin canang sowang-sowang pakubon krama desa, agung-alite nganut pararem.

b. Luput pakaryan lan rerampen/reramon lan pidagingan.

Pawos 36

Pemangku kagentosin riantukan :

a. Seda.

b. Pinunas ngaraga.

c. Kawusang sangkaning nilar sesana.

d. Pidabdabe manut pararem.

- a. Sang kahanan sebelsakalwire tan wenang ngranjing ke Kahyangan desa sadurung antos, manut pararem.
1. Bacakan sebel inucap manut pararem.
 2. Tan wenang makta sehanan barang sinanggeh nge letehin Kahyangan.
 3. Sato agung sajawaning mapepada.
 4. Mabusana tan manut kadi tata caraning ngeran -- jing ka Pura.
- b. Pratingkaha tan kawenang ring Pura :
1. Masumpah (cor) sejawaning pituduh prajuru desa.
 2. Makobetan, masesenengan, makolem dados asiki lanang wadon, mabacin/mawihara nyangsang busa na menahin pusungan (sehantukan punika rikala majejahitan patut ngelung busung macingor li dinnya).
 3. Mungghah tedun palinggih sejawaning pituduh prajuru desa.
- c. Sang mamuring kecaping ajeng keni pamidanda manut pararem.

Yan wenten jatma karawuhan ring pura tan sangkaning nyanjan, bilih-bilih ngenining byaparan krama patut kadanda manut pararem.

1. Sang pacang madeg Pandita utawi Pinandita minakadi Balian Sonteng, Kubayan, Dalang, Sakalwiring

... jagi ngenterang yadnya, patut masadok ring Prajuru desa kalih Parisada Hindu Dharma Indonesia.

2. Prajuru desa patut ngawas nitenin tur naweng ngalangi prade wenten kacihna sasar kakecap miwah drestane, tur sareng nyaksinin upakara saha nyiarang ring paruman desa tegap rawuhing wates kawenangan ngenter yadnya.

Pawos 40

1. Sang Sulinggih patut ngeriyinang kabwatan desa adat Dharma Ja Werdhi Biaung ring desa siwosan, yaning muput yadnya.
2. Krama desa sami patut sareng ngawas nitenin katurun prajuru desa mangda sahanan yadnya sane kawentenang kaicen pamuput olih Pandita utawi Pinandita manut kawenangannya sowang-sowang.

Palet 3

INDIK PITRA YADNYA

Pawos 41

1. Desa adat dharma Ja Werdhi Biaung nitenin Kramane jroning nglaksanayang Pitra Yadnya jantos puput.
2. Tata cara nitenin saha panyanggrannya manut pararem.

Pawos 42

Swadharmaning lan tetegenan prade wenten sinalih tunggil krama kapadaman :

- a. Sang kaduhkitan patut nyadokang ring prajuru Desa tur nunas tatimbangan indik kawentenannya.
- b. Swadharmaning desa, prajuru desa nitenin kabwatan sang kaduhkitan, napike pacang kapendem, making-san riyin utawi lantur kaabenang.
- c. Tan kalugra ngalelet langkung ring 7(pitung) ra hina.
- d. Tan kalugra nginapan hangbang.
- d. Rikala wenten piodalan agung lawan alite ring Kah yangan ngawit saking nyamuh yan prade wenten ke pademan tan kengin mendem, makingsan dados sake wanten ring enjek piodalan tan kadadosang.

Pawos 43

1. Ngeseng utawi mendem kasulurang, lwire :
 - a. Tan dados mendem utawi ngeseng sawa ring setra ne tunggal desa ngapwanang.
 - b. Tan dados ngajangin sawa pacang mendem utawi ngeseng ring arahina tunggal.
 - c. Sang mendem utawi ngeseng sawa lintang ring adiri arahina ring setra, yogya sang nampekang ring setra rihinan mamargi, sejawaning wenten kabwatan sewos kapidabdab olih prajuru.
 - d. Tan dados mendem utawi ngeseng sawa ring ka rang, tegal, carik, sakalwire.

2. Jadma seda sangkaning salah pati, ngulah pati, kaba ngawan sakalwire; wenang bakta budal pendem utawi geseng sapuputing panugrahan Guru Wisesa lan upakara panebusan.
3. Sakalwire gagumuk ring setra sane sinanggeh ngalikadin wenang kagubar.
4. Sang mendem utawi ngeseng sawa boya warga desa adat Biaung wenang nawur pananjung batu, agung alite manut pararem.
5. Sawa wong rare durung kepus wedel (udel) patut kependem pramangke tan ngetang larangan dewasa.
6. Sang piwal ring pidabdab desa adat keni danda manut pararem.

Pawos 44

1. Sengker cuntaka manut kawentenannya :
 - a. Cuntaka kapademan, kasulurang 3 (tigang) rahina sah wawa saking salu.
 - b. Cuntaka Ngeraja sewala, 3 (tigang) rahina ngawit saking ngeraja sewala, utawi selamaning ngeraja sewala, untas sesampun asuci laksana.
 - c. Cuntaka Ngembasang putra, 42 (abulan pitung rahina) sane lanang, 105 (tigang sasih) sane istri ngawit saking putrane embas.
 - d. Cuntaka Karuron, cuntakania 42 (abulan pitung rahina) tur sampun maprayascita.

- e. Cuntaka Pawiwahan, cuntakania untas sesampun makala-kalaan.
 - f. Cuntaka Gamia gamana, untas sesampun maprayascita manut kabwatan.
 - g. Cuntaka Salah timpal, kapuputang manut agama Hindu miwah dresta.
 - h. Cuntaka Mamitra ngalana, cuntakanda untas sesampun sah alaki-rabi kawusang mamitra.
 - i. Cuntaka antuk Sad Tatayi, kasinanggeh untas sesampun nglaksanayang rasa agama.
2. Tan keneng cuntaka inggih punika Sang Sulinggih (Pandita lan Pinandita).

Pawos 45

- 1. Panumayan pengabenan wenten kalih pawos :
 - a. Ngaben dadakan / bah bangun, kedadosang sajeroning 3 (tigang) utawi 7 (pitung) rahina.
 - b. Ngaben ngemasa sajeroning bebanjaraan manut pararem.
- 2. Sinalih tunggil krama desa Adat Biaung yan pacang ngawentenang ngaben ngwangun tan kenengin ngencak puja wali ring kahyangan.

Palet 4

INDIK MANUSA YADNYA

Pawos 46

1. Desa Adat Biaung nitenin sinalih tunggil krama nglaksanayang indik Manusa yadnya.
2. Tata cara nitenin lan nyanggra panglaksanannya manut pararem.
3. Sang nglaksanayang Manusa Yadnya yan rasa mabwat mangda masadok ring prajuru.
4. Sang piwal ring pidabdab Desa Adat Biaung kadanda manut pararem.

Palet 5

INDIK BHUTA YADNYA

Pawos 47

1. Desa Adat Biaung nitenin krama nglaksanayang Bhuta Yadnya kabwatan desa adat.
2. Tata cara panglaksanaan Bhuta Yadnya inucap kasulurang manut pararem madasar Sastra Agama, dresta sane kapikukuhang.
3. Desa Adat Biaung nitenin sinalih tunggil krama nyulurang panglaksanaan Bhuta Yadnya sane mabwat.
4. Sinalih tunggil krama pacang nglaksanayang Bhuta Yadnya sane mabwat mangda hatur piuning ring prajuru.
5. Sang tungkas ring pidabdab desa adat keni danda manut pararem.

Pawos 48

1. Desa Adat Biaung nglaksanayang babratan Nyepi kabwatan desa adat.
2. Pabratan inucap kamargiang manut pidabdab saking Parisada Hindu Dharma Indonesia, saha panglaksanannya manut pararem.
3. Upacara penyepian sane kamargian, lwire :
 - a. Amati geni, tan dados maapi-api.
 - b. Amati Karya, tan kengin nyambut karya.
 - c. Amati Lelangwan, tan kengin maoneng-oneng , maswara gora lan sapanunggilnya.
 - d. Amati Lelungan, tan kengin maluas-luasan.
4. Sang amurug pidabdab desa adat keni pamidanda manut pararem.

S A R G A V

SUKERTA TATA PAWONGAN

Palet 1

INDIK PAWIWAHAN

Pawos 49

1. Desa Adat Biaung nitenin krama ngindikang Pawiwahan lan palas marabi.
2. Tata cara inucap madasar UU.No.1 tahun 1974 lan PP.No. 9 tahun 1975, saha kaanutang ring dresta sastra agama sane kapikukuh manut pararem.

3. Sang pacang nglaksanayang pawiwahan mangda masadok ring prajuru.
4. Sang tungkas ring pidabdab desa adat keni pamidanda manut pararem.

Palet 2

INDIK SENTANA

Pawna 50

1. Desa Adat Biaung nitenin kramane ngindikang sentana.
2. Tata carane inucap madasar ring pidabdab Guru Wisesa taler kaanutang ring dresta, sastra agama sane kasungkemin / kakukuhang manut pararem.
3. Sang pacang ngadegang sentana sakalwire mangda hatur uning ring Prajuru.
4. Sang mamurug pidabdab desa adat keni danda manut pararem.

Palet 3

INDIK WARISAN

Pawos 51

1. Desa Adat Biaung nitenin kramane ngindikang warisan.
2. Tata carane inucap madasar pidabdab Guru Wisesa saha kaanutang ring sastra Agama, dresta sane kapikukuh manut pararem.

3. Sang pacang ngindikang warisan mangda masadok ring Prajuru.
4. Sang tungkas ring pidabdab desa wenang danda manut pararem.

S A R G A VI

WICARA LAN PAMIDANDA

Palot 1

INDIK WICARA

Pawos 52

1. Sane wenang mawosin mekadi mutusang wicaran desa adat inggih punika Prajuru desa sane sinanggeh Kertha desa.
2. Prade sang mawicara tan wenten cumpu ring pamutus Kertha Desa kengin nunasang wicara inucap ring sang Rumawos (Pengadilan Negeri).

Pawos 53

1. Sahanan wicara mawiwit kacorahan sakalwire sinanggeh nungkasin daging Awig-Awig, Paswara miwah pararem, prajuru patut digelis mawosin tan nyantos pasadok.
2. Sejaba wicara kadi ring ajeng patut nyantosang pesadok sang nunas bawos.
3. Panepase patut pastika nyantenang iwang patut melarapan Tri Pramana (saksi, ilikita, bhukti) miwah tan aren nepek ring dresta.

Palet 2

INDIK PAMIDANDA

Pawos 54

1. Desa Adat Biaung wenang niwakang pamidanda ring warga desa adat sane sisip.
2. Paniwak inucap kelaksanayang olih Bendesa Adat (Kelihan Adat).
3. Bacakan pamidanda, lwire :
 - a. Ayahan panukun kasisipan.
 - b. Danda Artha (desa danda saha panikel-panikel-nya miwah panikel-nikel urunan).
 - c. Kanorayang.
 - d. Panyangaskara.
4. Pamidanda sane katiwakan patut masorsinggih manut kasisipanne.
5. Jinah utawi raja brana pamidanda ngeranjing dados druwe desa / banjar.

Pawos 55

1. Krama sane langkung ring tigang paruman tan nawur urunan miwah danda wenang kanorayang.
2. Kanorayang kelaksanayang antuk Prajuru lan Krama desa adat sami sesampun hatur upeksa ring Guru Wisesa.

Pawos 56

Pamidanda inucap ring ajeng buntas risampun sangkanin:

- a. Nunas geng pengampura ring krama desa ri-
antukan nguak pasubaya (pararem) pecak.
- b. Nawir pengargan panguak pasubaya duk ka-
norayang, kadulurin prayascita penyapsap
ring desa tur nganutin pararem.

S A R G A VII

NGUWAH - NGUWUHIN AWIG - AWIG

Pawos 57

1. Nguwah-nguwuhin awig-awig Desa Adat Biaung ka-
margiang ngawit kaingkupin utawi keraremin an-
tuk krama desa adat.
2. Nguwah - nguwuhin awig-awig puniki kelaksana -
yang antuk paruman desa.

Pawos 28

1. Awig-awig puniki kawastanin Awig-Awig Desa Adat
"DHARMA JA WERDHI " Biaung.
2. Awig- awig puniki kasungkemin ngawit kaingkupin
(kararemin).

S A R G A VIII.

P A M U P U T

Pawos 59


1. Sakalwiring indik desa adat sane wenten, sade-
rengnya kamenggahang, patut kaanutang ring sa
daging awig-awig puniki.

2. Sakalwiring sane durung kabawos sajeroning Awig-awig puniki patut kalaksanayang manut tata cara sane sampun ketah mamargi manut pararem.
3. Sajeroning ngemargiang Awig-awig puniki prajuru desa mangda taler mawirasa ring prajuru sane ngawidangin krama desa adat.

Pawon 60

1. Awig-Awig puniki kararemin duk Rahina Wraspati uku Dungulan, Pananggal ping 9, Sasih Desta, Isaka 1913, Tanggal 23 Mei 1991, ring Pura Desa.
2. Awig-Awig puniki kalingga tanganin antuk Benda Adat "Dharma ja Werdhi " Biaung miwah Kepala Desa Biaung, saha kasaksinin antuk Camat Penebel, PHDI Kecamatan Penebel tur kawikanin antuk Lembaga Adat Kabupaten Tabanan, PHDI Kabupaten Tabanan, Kantor Departemen Agama Kabupaten Tabanan saha kapikukuh antuk Bupati Kepala Daerah Tingkat II Tabanan.

LWIR SANG NGALINGGA TANGANIH
Bendesa Adat Dharma Ja Werdhi
Biaung



SAKSI - SAKSI

Kepala Desa Biaung



Parisada Hindu Dharma Indonesia
Kecamatan Penebel



GEDE LUHUR

DRS. I KETUA ASTIKA JAYENG WIGUNA



Pangkat : Penata

NIK. 010073314

Badan Pelaksana Pembina
Bendesa Adat Kab. Tabanan



MADE SUANDRA

Ketua Parisada Hindu Dharma
Indonesia Kab. Tabanan



DRS. I MADE SAMBA

Kepala Kantor Departemen Agama
Kabupaten Tabanan



IDA BAGUS OKA

NIK. 150011815

MURDHANING PAMIKUKUH

Bupati Kepala Daerah Tingkat II
Tabanan



I KETUT SUNDRIA

NIK. J - 1507/D

TIM PERUMUS AWIG-AWIG DHARMA JA WERDHI

B I A U N G

I. SUKERTA TATA AGAMA :

1. I Gusti Ngr. Alit
2. I Gusti Putu Catang.
3. I Gusti Ketut Gede.
4. Wayan Maren.
5. Pan Gandra.
6. Pan Mullarna.
7. Wayan Ceteg.
8. I Nyoman Sumarca.

II . SUKERTA TATA PAKRAMAN DAN PAWONGAN :

1. I Gusti Made Lodog.
2. I Gusti Made Kerti.
3. I Gusti Putu Sunarta.
4. I Nyoman Dendi.
5. I Gusti Nyoman Suadi.
6. I Made Redes Sanjaya.
7. I Gusti Putu Kancana.
8. I Gusti Ketut Sumertayasa.
9. I Made Sitri.
10. I Made Astajaya.
11. I Gusti Putu Cangker.
12. I Gusti Ketut Suanda.

III. INDIK WICARA:

1. Pan Rusmini.
2. I Gusti Ngurah Rak.
3. I Gusti Made Brahmanta.
4. I Gusti Made Taman.
5. I Nyoman Madia.